



Inatsisartunut ilaasortaq Pele Broberg, Partii Naleraq  
Inatsisartut Allattoqarfiat  
-/Maani

**Aktiaateqarluni ingerlatseqatigiiffiit Namminersorlutik Oqartussanit pigineqartut pillugit § 37 naapertorlugu apeqqutigineqartup nr. 2019/54-ip akineqarnera, tassunga ilanngullugit KNI A/S aamma iluanaarutisianit akiliutit.**

03-02-2019  
Suliap nr. 2019 - 1361  
Allakkat nr. 9318566

Postboks 1015  
3900 Nuuk  
Oqarasuaat (+299) 34 50 00  
Fax (+299) 32 50 02  
e-mail: govsec@nanoq.gl  
www.naalakkersuisut.gl

Asasara Pele Broberg,

Inatsisartut suleriaasianni §37 naapertorlugu aktiaateqarluni ingerlatseqatigiiffiit Namminersorlutik Oqartussanit pigineqartut pillugit Naalakkersuisunut apeqquteqarsimavutit, taakkunungalugu ilanngullugit KNI A/S aamma iluanaarutisianit akiliutit. Apeqqutigisatit uannit akisassanngortinneqarsimapput.

**Apeqqutigineqartut ima oqaasertaqarput:**

- 1. Naalakkersuisut isumaqarpat pissusissamisoortoq aamma innuttaasunut ineriartuu-taassasoq KNI A/S kisermaassinermi akileraarut suli akilernagu 100 mio koruu-ninnappat?**

**Akissut:**

Naalakkersuisut isumaqarput KNI A/S ingerlatseqatigiiffiusoq ingerlalluartoq, ukiunilu arlaqalersuni naammaginartumik angusaqartarsimasoq - niuernermi ingerlatanut assigiinngitsunut ukiumullu naatsorsuutitut tunngatillugu. Naalakkersuisut ingerlatseqatigiiffimmi angusarineqartut allatut oqaaseqarfigissanngilai, tassalu KNI A/S suliffeqarfiusoq ingerlalluartoq angusanik naammaginartunik tunniussaqaarsinnaasoq.

Apeqqutigineqartumut allanik ilanngussassaqaanngilanga.

**2. Naalackersuisut KNI A/S-ip sinneqartoorutaaniik tingusissallutik pilersaaruteqarpat Kalaallit Airports A/S-imut ikisussanngorlugit?**

**Akissut:**

2019-imut Aningaasanut Inatsimmi kontumut pingaarnermut 10.13.11-mut oqaasertaliussani aktiaateqarluni ingerlatseqatigiiffinni Namminersorlutik Oqartussanit pigineqartuni isertitat Kalaallit Airports A/S-imut aningaasaliissutitut immikkoortissinnaanerannut Naalackersuisut sunik piunasaqarsinnaanerata nassuiarneqarpoq.

Tamanna innersuussutigalugu apequtigineqartumut allanik oqaaseqassanngilanga.

**3. Naalackersuisut innuttaasunut pitsaanerpaamik aammalu akikinnerpaamik KNI A/S-ip tungaaniik pisisartut sullinneqarnissaannut pilersaaruteqarpat?**

**Akissut:**

Massakkut ingerlatseqatigiiffiup sulineranut tunngaviit atorineqartut niuernerpalaartumik ingerlatsinissap piareersarnissaanut naammaginartumik tunngaviliisut, tamannalu aqqutigalugu aningaasaqarnikkut naammaginartumik tunngaveqarluni nioqqutissanik pisariaqartinneqartunik pilersuinissamut qulakkeerinniffiusut Naalackersuisut isumaqarput.

KNI A/S-ip sulinera tunngaviliunneqartut Inatsisartunit aalajangersarneqartut pingaartillugit ingerlanneqarpoq. Ilaatigut KNI A/S pillugu inatsisartut peqqussutaat atuuttut aqqutigalugit, ilaatigullu kiffartuussinissamik ingerlatseqatigiiffinnut isumaqatigiissutit aqqutigalugit, takuuk aningaasanut inatsimmi konto pingaarneq 64.10.12.

**4. Ingerlatsiviup sinneqartoornera aallaavigalugu Naalackersuisut isumaqarpat illoqar-finni nunaqarfinnilu isorliunerusuni pisisartunik pitsaanerpaamik sullissinermik ki-nguneqassasoq?**

**Akissut:**

KNI A/S-ip sulinera inatsisinut kiffartuussinissamillu isumaqatigiissutaasunut naapertuuttumik piareersarneqarnera Naalackersuisut paasisinnaavaat. Tamannaana tunngavigalugu KNI A/S-ip innuttaasunut kiffartuussinera naammaginartut Naalackersuisunit isigineqartoq.

Ilanngullugulu Naalackersuisut isumaqarput ingerlatseqatigiiffik KNI A/S-itut ittoq ukiumoortumik naatsorsuutini sinneqartoorfiunissaanik pisariaqartitsisoq,

ilaatigut ingerlatseqatigiiffimmi aqutsisut ingerlatseqatigiiffiup aningaasaqarneranik qajannaannerulersitsinerisigut, ingerlatseqatigiiffiullu aningaasaqarniarneranut pisariaqartumik aningaasaliisoqarneratigut.

**5. Naalackersuisut pilersaarutigaat KNI A/S namminersortunit tamaat imaluunniit ilaan-naanik tinguneqassasoq?**

**Akissut:**

Naalackersuisut KNI A/S-imi piginnittuusunik imaluunniit ingerlatsinermut pissutsinik allangortitsinissamik immikkut pilersaaruteqanngillat. Apeqqu 3-mut akissutigisara siulianiittoq aamma innersuussutigissavara.

**6. Naalackersuisut politikikkut akisussaasutut pisortat suliffeqarfiutaat pillugit inuiaqa-tigiit pitsaanerpaamik sullinniarlugit qanoq takorluugaqarpat?**

**Akissut:**

Naalackersuisut isumaqarput ingerlatseqatigiiffiit Namminersorlutik Oqartussanit pigineqartut suliassaat suli peqqussutit immaqalu inatsisitigut tunngaviliunneqartut akuersissutilluunniit ataasiakkaat aqutigalugit takuneqarsinnaasut atorlugit suli suliarineqartassasut.

Ingerlatseqatigiiffiit Namminersorlutik Oqartussanit pigineqartut angissutsimikkut, unammillersinnaanermikkut niuerfigisamikkullu assigiinngisitaartorujussuupput. Ingerlatseqatigiiffiillu ineriartortinneranni naalackersuinikkut anguniakkat aamma assigiinngitsorujussuusinnaapput.

Assersuutigalugu soorlu Royal Arctic Line A/S, Kalaallit Airports A/S, Tele Greenland A/S, KNI A/S, Sikuki Nuuk Harbour A/S aamma Air Greenland A/S attaveqaatitigut pilersuinikkullu suliffeqarfiupput. Ingerlatseqatigiiffiit tamakku pilersuisuullutillu kiffartuussiviupput nunatta imminut ataqatigiinnissaanut iluaqutaasussat.

Ingerlatseqatigiiffittut allat ingerlatat ilaatigut tassaapput NunaOil A/S, Greenland Holding A/S aamma Visit Greenland A/S. Ingerlatseqatigiiffiit taakku mikisuupput aamma niuernerup tungaatigut ingerlatsinermik nalinginnaasumik isumaginnittuunatik. Ingerlatseqatigiiffinni taakkunani ingerlatseqatigiiffinnik ingerlatseriaaseq toqqarneqarsimavoq ilaatigut aalajangeeriaatsinik naalackersuinikkut allaffissornikkullu attuumassuteqanngitsumik atuilluni ingerlatsisoqarnissaa qulakkeerniarlugu.

Ingerlatseqatigiiffittut allatut ingerlatat pingajoraat Royal Greenland, taannalu niuerfinni unammillerfiusuni tamakkiisumik iluanaarfiusussatut ingerlanneqarpoq.

Ataatsimut isigalugu aktiaateqarluni ingerlatseqatigiiffiit Namminersorlutik Oqartussanit pigineqartut suliatik peqqissaartumik aningaasaqarnikkullu naammaginatsumik isumagissagaat anguniagaassasoq pissusissamisuginnarpoq, suliffissaqqissutut isigineqassasut, minnerunngitsumillu inuiaqatigiit ineriartortinnerannut kiffartuunneqarnerannullu iluaqutaassasut.

**7. Naalakkersuisut pisortat suliffeqarfiutaanni siulersuisussanik toqqaagaangamik ta-manna imaluunniit siulersuisuniiginnaraangamik politikikkut qineqqusaarsinnaap-pat?**

**Akissutit:**

Aktiaateqarluni ingerlatseqatigiiffinnik Namminersorlutik Oqartussanit pigineqartunik suliaqarnermi, soorlu siulersuisunik toqqaasarnermi, piginnittuunermut tunngassutillit pillugit nassuiaatigineqartut aamma aktiaateqarluni ingerlatseqatigiiffinni Namminersorlutik Oqartussanit ilaannakuusumik tamakkiisumilluunniit pigineqartuni nassuiaatigineqartut aallaaviusarput.

Naalakkersuisut nittartagaanni uani <https://naalakkersuisut.gl/kl-GL/Naalakkersuisut/Naalakkersuisoqarfii/Naalakkersuisut-Siulittaasuata-Naalakkersuisoqarfia/Bestyrelsessekretariatet/Redegoerelser> nassuiaat takuneqarsinnaavoq.

Nassuiaatigineqartoq aallaavigissagaanni Naalakkersuisut isumaqarput naalakkersuinikkut partii tunngavigalugu sulinissaq immi aalajangiisuussanngitsoq piukkunneqartoq ingerlatseqatigiiffiup siulersuisuini ilaasortaanermik ingerlatsissappat.

Inussiarnersumik inuulluaqqusillunga



Kim Kielsen